

212. fundur Breiðafjarðarnefndar, haldinn 14. febrúar 2023, á Teams

Mætt: Erla Friðriksdóttir formaður, Arnar Kristjánsson, Karl Kristjánsson, Arnheiður Jónsdóttir, Valdís Einarsdóttir, Sigurður Halldór Árnason og Magnús A. Sigurðsson

Forföll: Guðríður Þorvarðardóttir varaformaður

Fundarritari: Jakob Stakowski

Formaður setti fund kl. 10.00

1. Fastanefnd Bernarsamningsins – Recommendation/tilmæli no. 218

Steinar Kaldal, sérfræðingur frá Umhverfis-, orku- og loftslagsráðuneyti, mætti á fund Breiðafjarðarnefndar til að kynna og ræða tilmæli fastanefndar Bernarsamningsins.

Afgreiðsla:

Steinar Kaldal mætti á Teams fund Breiðafjarðarnefndar. Hann kynnti fyrir nefndinni forsögu máls og kæru vegna framkvæmda við Vestfjarðaveg nr. 60 um Gufudalssveit. Í kjölfarið var rætt um tillögur fastanefndar Bernarsamningsins. Tilmæli snúa að náttúru Breiðafjarðarsvæðisins og undirstrika mikilvægi verndunar og vöktunar náttúrulegra þátta þess. Í kjölfar kynningar ræddi Steinar við nefndina um álit umhverfis-, orku- og loftslagsráðuneytis varðandi tilmæli fastanefndarinnar.

2. Fundargerð 211. fundar Breiðafjarðarnefndar

Fundargerð 211. fundar nefndarinnar frá 17. janúar 2023.

Afgreiðsla:

Fundargerð lesin upp og samþykkt.

3. Umsögn vegna skipulagslýsingar hafnarsvæðis við Skipavík í Stykkishólmi

Breiðafjarðarnefnd sendi umsögn vegna skipulagslýsingar hafnarsvæðis við Skipavík í Stykkishólmi þann 17. janúar 2023. Umsögnin er aðgengileg á heimasíðu Breiðafjarðarnefndar <http://www.breidafjordur.is/breidafjardarnefnd/umsagnir/>

Í kjölfar umsagnar fékk Breiðafjarðarnefnd beiðni frá sviðsstjóra umhverfis- og skipulagsmála hjá Sveitarfélaginu Stykkishólmi um nánari skýringar vegna sjávarfitja við Búðarnes.

Afgreiðsla:

Starfsmaður Breiðafjarðarnefndar sendi svar með skýringum til sveitarfélagsins eftir samráð við formann. Svarið lagt fram til kynningar.

4. Greinargerð um vettvangsferð Breiðafjarðarnefndar 2022

Starfsmaður Breiðafjarðarnefndar hefur unnið greinargerð með lýsingu á vettvangsferð Breiðafjarðarnefndar árið 2022, sem send var til nefndarfólks fyrir fundinn.

Afgreiðsla:

Breiðafjarðarnefnd fór yfir greinargerðina á fundinum og ræddi breytingar sem starfsmaður Breiðafjarðarnefndar mun gera. Skýrslan verður lögð fyrir nefndina til afgreiðslu á næsta fundi.

5. Rannsóknir á verndarsvæðinu sem Breiðafjarðarnefnd styrkir 2022 og 2023

Breiðafjarðarnefnd hefur samið við Náttúrufræðistofnun Íslands um framhald á örnefnaverkefni sem stofnunin hefur unnið fyrir Breiðafjarðarnefnd síðustu ár.

Breiðafjarðarnefnd hefur samið við Náttúrustofu Vestfjarða um framkvæmd gróðurannsóknar á eyjum á norðanverðum Breiðafirði. Rannsóknin er sambærileg við eldri rannsókn sem framkvæmd var á eyjum á sunnanverðum firðinum og nefndin styrkti árið 2018. Rannsóknin frá 2018 er aðgengileg á heimasíðu Breiðafjarðarnefndar: <http://www.breidafjordur.is/wp-content/uploads/2022/04/Vegetation-mapping-of-islands-in-Breidafjordur-West-Iceland-2018-2.pdf>.

Afgreiðsla:

Samstarfssamningar Breiðafjarðarnefndar við Náttúrufræðistofnun Íslands og Náttúrustofu Vestfjarða lagðir fram til kynningar og þeir samþykktir.

Starfsmaður Breiðafjarðarnefndar mun útbúa fréttatilkynningar um rannsóknasamstarfið og setur þær á heimasíðu Breiðafjarðarnefndar.

6. Vegagerðin - ósk um umsögn vegna nýrra brúa yfir Fjarðarhornsa og Skálmardalsá í Reykhólahreppi

Breiðafjarðarnefnd hefur borist beiðni frá Vegagerðinni um umsögn vegna framkvæmda við nýjar brýr yfir Fjarðarhornsa og Skálmardalsá í Reykhólahreppi.

Drög að umsögn var send nefndarfólki fyrir fundinn.

Afgreiðsla:

Breiðafjarðarnefnd ræddi drög að umsögninni á fundinum. Starfsmaður Breiðafjarðarnefndar mun vinna úr ábendingum nefndarinnar og sendir umsögnina fyrir lok dags 17. febrúar.

7. Fjármál

Breiðafjarðarnefnd vinnur að gerð fjárhagsáætlunar fyrir árið 2023

Afgreiðsla:

Breiðafjarðarnefnd ræddi fjárheimild nefndarinnar fyrir árið 2023 og fjárhagstöðu með tilliti til verkefna.

8. Önnur mál

Formanni Breiðafjarðarnefndar hefur borist beiðni um ábendingar vegna framtíðarstefnu Þjóðgarðsins Snæfellsjökuls.

Næsti fundur Breiðafjarðarnefndar verður 14. mars, kl. 10.30 á Teams. Fleira ekki gert og fundi slitið kl. 11.45.